

Attaveqarnermut, Avatangiisinut Aatsitassanullu Naalakkersuisoq
Landsstyremedlem for Infrastruktur, Miljø og Råstoffer

Inatsisartunut ilaasortaq Marie Fleischer, Demokraatit
MAANI/

Kalaallit Nunaata Avannaani Tunumilu nunami allanngutsaaliukkami aqutsinermut pilersaarut pillugu § 36, imm. 1 naapertorlugu apeqqut nr. 2008-42

Asasara Marie Fleischer.

Kalaallit Nunaata Avannaani Tunumilu nunami allanngutsaaliukkami aqutsinermut pilersaarut pillugu § 36, imm. 1 naapertorlugu apeqquteqaatitit tiguakka.

10.04.2008
J.nr. 28.21.41/14
All./Brev nr.

Matuma kinguliani aallaqqaammut Kalaallit Nunaata Avannaani Tunumilu nunami allanngutsaaliukkami aqutsinermut pilersaarummi killiffik tamakkiisoq nassuiaatigissavara, tamatumalu kingorna apeqqutitit aalajangersimasut akissuteqarfigissalugit.

Postboks 1614
3900 Nuuk
Oq/tel +299 34 67 01
Fax +299 32 52 86
App-dmn@gh.gl
www.nanoq.gl/dmn

Ataatsimut isigalugu:

Nunat tamat akornanni illersuinissamat piumasaqaatinik naammassinniffiusumik nunap allanngutsaaliukkap nutaaliaasumik aqunneqarnissaata qulakkeerneqarnissaa, tamatumunngalu peqatigitillugu nunat tamat akornanni ilisimatusarnermi ilinniartitaanermilu, pinngortitami ingerlatsinermi, aningaasanik atorluaanermi, inuiaqatigiit allaatigisaanerisa ineriartornerani nalunaarsuinermilu, stationini suliaqarnermi avatangiisitigut killissarititaasut siunissamat qulakkeerneqarnissaat, kiisalu siornatigut qimaannagaasarsimasut salinneqarnissaasa qulakkeerneqarnissaat iliuusissatut pilersaarummi pingaarnertut anguniagaapput. Peqatigisaanik sumiif-fiup nunap immikkoortuani ineriartornermut, najukkami innuttaasunut iluaqutaanerulersinnaangorlugu, ilaatinnissaa iliuusissap qulakkiissavaa, tassani takornariaqarnerup inerisarneqarneranik annertunerulersitsineq ilaalluni.

Aqutsinermut pilersaarutip suliarineqarnera sivisusimammat, aammalu Kalaallit Nunaata Avannaani Tunumilu Nuna allanngutsaaliukkamik ingerlatsinissamat pilersaarusiap naammassinissaanut piffissarititaasoq arlaleriarluni kinguartinneqartarsimammat tamanna ilumoorpoq. Tassa kingullermik piffissamat pilersaarummi 2007-imi decembarip naanerani suliap naammassineqarnissaa killilerneqarpoq. Suliamik kinguaattoornermut pissutsit peqqutaasut arlaliupput. Kisianni suliaq ingerlavoq, aammalu iliuusissanik pilersaarutip suliarineqarnerata salliutinneqarnissaa, taamaalillunilu suliap piffissami qanittumi naammassineqarnissaa Naalakkersuisut pingaartippaat.

Aqutsinermut pilersaarutip atuutsinneqalernissaanut sulineq suleqatigiissitani attuumassuteqartuni, sullissivinnit/naalakkersuisoqarfinit sinniisunit sulianut piginnaaneqarfeqartunit aammalu ineriartortitsiviusunik ataasiakkaanik paasisimaarinnittunit ilaaffigineqartuni ingerlanneqarpoq.

Iliuusissanik pilersaarusionermit suleqatigiissitat arfineq marluupput. Tassaapput

- 1) Illuaqqanut suleqatigiissitaq,
- 2) Illuaqqanut suleqatigiissitaq inatsisitigut akuerisaanissaa,
- 3) Eqqagassalerinermut suleqatigiissitaq,
- 4) Ingerlasussanik piareersaanermut aqutsinermullu suleqatigiissitaq,
- 5) Suleqatigiissitaq Man and Biosphere,
- 6) Nunap aggornerinut suleqatigiissitaq aamma
- 7) Takornariaqarnermut suleqatigiissitaq.

Kiisalu aamma aqutsisooqatigiinni suleqatigiissitat avataanni suleqatigiissitanik allanik, nunami allanngutsaaliukkami iliuusissanik pilersaarummut attuumassuteqartunik soqutigisaqartunillu allanik ingerlasoqarpoq (ass. Angalasarnermut nalunaarut pillugu suleqatigiissitaq aamma Mestersvigimi sulinermit suleqatigiissitaq). Taamaalilluni sulianik arlalinnik ingerlasoqarpoq, taakkulu ataatsimut kattunneqarnerminni suliap, ingerlatsinermut pilersaarummik il.il. inerneqartussap ingerlaqqinnissaanut tunngavigineqassapput.

Suleqatigiissitat ilaat nalunaarusiorput (ass. ingerlasussanik piareersaanermut aqutsinermullu suleqatigiissitaq), allallu nalunaarusiap ilassaasa allaqqaarnerat piareerpaat (ass. takornariaqarnermut illuaqqanullu suleqatigiissitaq). Suleqatigiissitat allat najoqqutassanut tunngavissatik piareerpaat, taamaattumillu suleqatigiissitamik pilersinneqarnissamut, nalunaarusiamullu ilanngutassaminnik suliaqarnissamut piareerlutik (ass. nunap aggornerinut suleqatigiissitaq). Kiisalu suleqatigiissitat allat (ass. eqqagassalerinermut suleqatigiissitaq) nalunaarusiamut ilanngussasat, immikkoortortat allat sammisaannik paasiniaaviusut, aammalu iliuusissanik pilersaarusiame suleqatigiissitat suliaasa ingerlaqqinnissaanut tunngavissanik pissarsiviusinnaasut naammassinissat utaqqivaat.

Nalunaarusiamut ilanngussasat nalunaarusiamut tamakkiisumut, naammassiguni ingerlatsinermut pilersaarusionissamut aammalu eqqissisimatitat pillugit nalunaarusiap iluarsanneqarnissaanut tunngaviliisussamut tunngaviliinissat siunertarinerqarpoq.

Iliuusissanik pilersaarusionermit suliat annertuut tunngavissanik amerlasuunik imaqartut eqqarsaatigalugit ingerlatsinissamut pilersaarutissatut aamma suliaassarqarfimmi eqqissisimatitsinermut nalunaarummut siunnersuutit ukiut nikinnerisa missaanni piareersinnaasasut Naalakkersuisut naliliipput. Taamaattumik siunnersuutip politikikkut isummerfigineqarnissaata atuutinneqalernissaatalu 2009-p ukiuata affaani siullermi pisinnaanissaa naatsorsuutigineqartariaqarpoq.

Matuma siuliani taaneqareersutut Naalakkersuisut iliuusissanik pilersaarutip naammassineqarnissaa pingaartippaat.

1. *Naalakkersuisut Nuna allanngutsaaliukkamut – tassungalu ilanngullugu tamaani piujuartitsinissamik siunertaqarluni takornariatitsinerup ineriartortinneqarnissaanut – aqutsinermut pilersaarutitigut sumut killippat, Naalak-*

kersuisut 2002-mi upernaakkut ataatsimiinnermi Avannaani Tunullu Avannaarsuani iliuusissatut pilersaarutip suliarineqarnissaanik nalunaaruteqareernerisa kingornagulli?

Iliuusissanik pilersaarutip inaarsarneqarnera pillugu killiffiup matuma siuliani nasuiarneqarnera innersuussutigaa.

Tunumi/nunami allanngutsaaliukkami takornariaqarnermik ineriartortitsinissamut periarfissaqarnera qularutigineqanngilaq, tassami inuit ataasiakkaarlugit pilersaariorfiusumik inuilaarsuarmut angallanneqartarnerat tammajuitsussarsiorluni piniarnermik, pisuinnarluni angalaarnermik, innartornermik assigisaannillu ilaneqartarnerat pilerigineqaleriartorput. Nunap nunatut allanngutsaaliukkatut inissisimaneera takornariaqarnerup ineriartortinneqarneranik ilaneqarsinnaavoq, kisiannili tamatum nungusaataanani illersorneqarsinnaasumik ingerlanneqarnissaa qulakkeerneqassa, tamannalu aamma malitassap, taamatut takornariartartunit pilerigineqartup ilagaa.

Matuma siuliani taaneqartutut takornariaqarnermut suleqatigiissitamik pilersitsisoqarsimavoq, taassumalu nunami allanngutsaaliukkami takornariaqarnermik ineriartortitsinissamut periarfissat suunersut misissortussaavai. Suleqatigiissitaq nalunaarusiamut ilanngutassaminik suliaqarpoq, suliaasaqarfimmi tassani ingerlatsinissamut suliap ingerlaqqinnissaanut tunngaviliisussamik.

- 2. Naalackersuisut Nunat allanngutsaaliukkat eqqarsaatigalugit taakkunani killeqarfilersuinikkut immikkortitaarnissaat qanoq eqqarsaatigaat, taammaalillutik nunat immikkoortitaarnerini aalajangersimasumik annertussulimmik aaqqjissuussamillu takornariartitsinermik akuersissutigineqarsinnaanngorlugu?*

Matuma siuliani taaneqareersutut nunap aggornerinut suleqatigiissitamik pilersitsisoqarpoq, nunap allanngutsaaliukkap killeqarfilersorneqarnissaanut siunnersuummik saqqummiussisussamik.

Suleqatigiissitap suliani suli naammassinngilaa, kisiannili suleqatigiissitap nalilersuinissaanut tunngavissat pigineqareerput. Suleqatigiissitap nalilersuineranut atugassatut pingasunik, sumiiffiup uumasuinut, nunataanut itsarnisarsiornermilu soqutigisanut tunngasunik nalunaarusiortoqareerpoq.

- 3. 2005-imi Naalackersuisunit nalunaarutigineqarpoq Nunat allanngutsaaliukkat eqqarsaatigalugit ilisimatusarneq takornariartitsinermillu inuussutissarsiteqarnermut tunngatillugu takornariartitsinermi ilisimasortat, nunami allanngutsaaliukkami nakkutilliisut kiffartuussinermillu sulisussat nunatsinneersut pillugit pilersaarutip suliarineqartut. Suliaq tamanna sumut killippa?*

Nunami allanngutsaaliukkami kiisalu Ittoqqortoormiillu kangerluani takornariartaatit umiarsuillu allat ilaasunik angallassisut nakkutilliisoqartalernissaat pillugu Inatsisartut inatsisissaannut siunnersuusiortoqarpoq. Tassunga atatillugu tusarniaanermi

akissutininik, inatsisissatut siunnersuutip taamatut iluseqarneranik nalileeqqinnissamut tunngaviliisunik, aammalu nunanit allanit umiarsuit pingaarnerit nakkutilliisoqartalerinissaannik piumasaqaatinut tunngatillugu naalakkersuisoqarfinnut nunallu tamat akornanni umiarsuarnut isumaqatigiissutitut eqqortunut tikkuussisunik tigu-saqartoqarpoq. Suliaq taanna sulii ingerlavoq.

Inuilaarsuarmi nakkutilliisoqartarneq eqqarsaatigalugu nunami allanngutsaaliukkami nakkutilliinermut atatillugu inuilaarsuarmi nakkutilliisunik atorfeqartitaqarnissaq kissaatit ilagigaat Naalakkersuisunit ilisimaneqarpoq. Apeqqummi tassani ilaatigut inassuteqaatit, nunami allanngutsaaliukkami ingerlatsinermut pilersaarusiassamut tunngaviliisussat misissorneqassapput.

Tamatumunnga atatillugu ilisimatitsissutigineqartariaqarpoq, qimussimik alapernaarsuisut Sirius, sakkutuut Mestersvigimi imaluunniit Station Nord-imi nakkutilliisuutitarisaat politiitut oqartussaassusilerneqarsimammata, taamaattumillu Kalaallit Nunaanni Politimesteri sinnerlugu takornariat ilisimasassarsiortullu misissussallugit pisinnaatitaaffeqarlutik. Sakkutuut imarsiortut umiarsuaanni pisortat aamma imaani politiitut oqartussaassusiligaapput. Akuttunngitsumik umiarsuarnik alapernaarsuutininik, Sirius-imut ikiuukkiartortinneqartunik nunamut allanngutsaaliukkamut angalattisisoqartarpoq.

Ikinngutinnersumik inuulluaqqusillunga

Kim Kielsen